

中國文化史

柳詒徵
編著

上冊



南京鍾山書局印行

民國二十一年八月初版

上册實價二元五角

編輯所 南京城北雙井巷文安里五號

發行所 南京太平路三二二號

上海分館處 慕爾鳴路二三號中國科學公司
北京路慶順里恒裕莊張晨莪

中國文化史

上册

柳詒徵編著

中國文化史 上冊目錄

緒論……………一

第一編 上古文化史

- 第一章 中國人種之起源……………九
- 第二章 洪水以前之制作……………一八
- 第三章 家族及私產制度之起源……………二五
- 第四章 政法之萌芽……………三〇
- 第五章 文字之興……………三六
- 第六章 洪水以後之中國……………四五
- 第七章 衣裳之治……………五三
- 第八章 治歷授時……………六〇
- 第九章 唐虞之讓國……………六六
- 第十章 治水之功……………七三
- 第十一章 唐虞之政教……………八〇
- 第十二章 夏之文化……………九三

第十三章 忠孝之興	一〇五
第十四章 洪範與五行	一一一
第十五章 湯之革命及伊尹之任	一一八
第十六章 殷商之文化	一二五
第十七章 傳疑之制度	一三七
第十八章 周室之勃興	一四四
第十九章 周之禮制	一五七
(一) 國土之區畫	一六一
(二) 官吏之職掌	一六六
(三) 鄉遂之自治	一七〇
(四) 授田之制 <small>附兵制</small>	一七八
(五) 市肆門關之政	一八六
(六) 王朝之教育	一九二
(七) 城郭道路宮室之制	一九八
(八) 衣服飲食醫藥之制	二〇三
(九) 禮俗	二一六

(十) 樂舞·····	二二五
(十一) 王朝與諸侯之關係·····	二三二
(十二) 結論·····	二三八
第二十章 文字與學術·····	二四三
第二十一章 共和與民權·····	二五五
第二十二章 周代之變遷·····	二六〇
第二十三章 學術之分裂·····	二七六
第二十四章 老子與管子·····	二八四
第二十五章 孔子·····	二九二
第二十六章 孔子弟子·····	三一—
第二十七章 周末之變遷·····	三二五
第二十八章 諸子之學·····	三四二
第二十九章 秦之統一·····	三六五
第三十章 秦之文化·····	三七五
第三十一章 漢代內外之開關·····	三八三
第三十二章 兩漢之學術及文藝·····	三九一

第三十三章 建築工藝之進步	四一二
第二編 中古文化史	
第一章 中國文化中衰及印度文化東來之故	四二九
第二章 佛教入中國之初期	四三六
第三章 諸族並興及其同化	四四一
第四章 南北之對峙	四五三
第五章 清談與講學	四六〇
第六章 選舉與世族	四七一
第七章 三國以降文物之進步	四七九
第八章 元魏之制度	四九五
第九章 佛教之盛興	五〇五
第十章 佛教之反動	五二〇

中國文化史 上册

柳詒徵

緒論

歷史之學。最重因果。人事不能有因而無果。亦不能有果而無因。治歷史者。職在綜合人類過去時代。複雜之事實。推求其因果。而爲之解析。以詔示來。茲舍此無所謂史學也。人類之動作。有共同之軌轍。亦有特殊之蛻變。欲知其共同之軌轍。當合世界各國各種族之歷史。以觀其通。欲知其特殊之蛻變。當專求一國家一民族或多數民族組成一國之歷史。以覘其異。今之所述。限於中國。凡所標舉。函有二義。一以求人類演進之通。則一以明吾民獨造之真際。蓋晚清以來。積腐爆著。綜他人所詬病。與吾國人自省其闕失。幾若無文化可言。歐戰既輟。人心惶擾。遠西學者。時或想像東方之文化。國人亦頗思反而自求。然證以最近之紛亂。謂吾國必有持久不做者存。又若無以共信。實則憑短期之觀察。遽以概全部之歷史。客感所淆。矜餒皆失。欲知中國歷史之真相。及其文化之得失。首宜虛心探索。勿遽爲之判斷。此吾所渴望於同志者也。

吾書凡分三編。第一編自邃古以迄兩漢。是爲吾國民族本其創造之力。由部落而建設國家。構成獨立之文化之時期。第二編自東漢以迄明季。是爲印度文化輸入吾國。與吾國固有文化由抵牾而融合之

時期。第三編自明季迄今日。是爲中印兩種文化均已就衰。而遠西之學術思想宗教政法以次輸入。相激相盪而卒相合之時期。此三期者。初無截然畫分之界限。特就其蟬聯蛻化之際。略分吟哢。以便尋繹。實則吾民族創造之文化。富於彈性。自古迄今。纏纏相屬。雖間有盛衰之判。固未嘗有中絕之時。苟從多方診察。自知其於此見爲墮落者。於彼仍見其進行。第二三期吸收印歐之文化。初非盡棄所有。且有相得益彰者焉。

中國文化爲何。中國文化何在。中國文化異於印歐者何在。此學者所首應致疑者也。吾書卽爲答此疑問。而作其詳。其於本文。未可以一言罄。然有一語。須先爲學者告者。卽吾中國具有特殊之性質。求之世界。無其倫比也。夫世界任何國家之構成。要皆各有其特殊之處。否則萬國雷同。何必特標之爲某國某國。然他國之特殊之處。有由強盛而崩裂者。有由弱小而積合者。有由複雜而渙散者。事例綦多。而求之吾民族。吾國家。乃適相反。此吾民所最宜懸以相較。藉覘文化之因果者也。

就今日中國言之。其第一特殊之現象。卽幅員之廣袤。世無其匹也。世界大國。固有總計其所統轄之面積。廣大於中國者。然若英之合五洲屬地。華離龐雜。號稱大國者。固與中國之整齊聯屬。純然爲一片土地者不同。卽以美洲之合衆國較之中國。其形勢亦復不侔。合衆國之東西道里已遜於我。中國東至西凡六十七度三十九分。其南北之距離。則尤不逮。美國南至北凡三十八度三十六分。南北距離既遠。氣候因以

迥殊。其溫度自華氏表平均七十九度。以至三十六度。相差至四十餘度。其棲息於此同一主權之下之土地之民族。一切性質習慣。自亦因之大相懸絕。然試合黑龍江北境之人與廣東南境之人於一堂。而叩其國籍。固皆自承爲中華民國之人。而無所歧視也。且此等廣袤國境。固由漢唐元明清累朝開拓。以致此盛。然自堯典禹貢以來。其所稱領有之境域。已不減於今之半數。

書·典·分命羲仲。宅嵎夷。曰暘谷。申命羲叔。宅南交。分命和仲。宅西。曰昧谷。申命和叔。宅朔方。曰幽都。今人多疑堯典爲儒

孔子節用篇。昔者堯治天下。南撫交趾。北降幽都。東西至日所出入。莫不賓服。足見堯典所言國境。非儒家臆造之語。即使此等境界。爲儒墨兩家想像之詞。初非唐虞時事。實亦可見春秋之末。戰國之初。之人。已信吾國有此廣大領域也。

禹貢東漸於海。西被於流沙。朔南暨聲教。訖於四海。

聖哲立言。恒以國與天下對舉。

老子以正治國。以奇用兵。以無事取天下。大國者下流。天下之交。

大學古之欲明明德於天下者。先治其國。國治而後天下平。

此雖夸大之詞。要必自來所見。恢廓無倫。故以思力所及。名曰天下。由是數千年來。治權時有。時分。而國土之增闢。初無或閒。今之擁有廣土。皆席前人之成勞。試問前人所以開拓此天下。搏結此天下者。果何術乎。

第二則種族之複雜。至可驚異也。今之中國。號稱五族共和。其實尙有苗。獠。獯。蠻。諸種。不止五族。其族之

最大者。世稱漢族。稽之史策。其血統之混雜。決非一單純種。族數千年來。其所吸收同化之異族。無慮百數。春秋戰國時。所謂蠻夷戎狄者。無論矣。秦漢以降。若匈奴。若鮮卑。若羌。若奚。若胡。若突厥。若沙陀。若契丹。若女真。若蒙古。若韃靼。若高麗。若渤海。若安南。時有同化於漢族。易其姓名。習其文教。通其婚媾者。外此。如月氏。安息。天竺。回紇。唐兀。康里。阿速。欽察。雍古。弗林諸國之人。自漢魏以至元明。逐漸混入漢族者。復不知凡幾。

漢書金日磾字翁叔。本匈奴休屠王太子也。

晉書卞珣字子玉。匈奴後部人也。又段匹磾。東郡鮮卑人也。

又喬智明。字元達。鮮卑前部人也。元魏以後。鮮卑人之化為漢族者。不可勝數。

通志氏族略。黨氏本出西羌。

唐書王世充字行滿。本姓支。西域胡人也。又李懷仙。柳城胡人也。又哥舒翰。突騎施首領哥舒部落之裔也。又代北李氏。本沙

陀部落。又王武俊。契丹怒皆部落也。又李光弼。營州柳城人。其先契丹之酋長。又李懷光。勃海韃靼人也。又高仙芝。本高

麗人。又王毛仲。本高麗人。又高崇文。其先渤海人。又姜公輔。安南人。又史憲誠。其先出於奚虜。又李寶臣。范陽城旁奚

族也。

通志支氏。其先月支胡人也。又安氏。安息王子入侍。遂為漢人。又竺氏。本天竺胡人。

元史昔班。畏吾人。又余闕。唐兀人。又斡羅思。康里氏。又杭忽思。阿速人。又完者都。欽察人。又馬祖常。世為雍古部。又愛

薛、西域弗林人。此類甚多。姑舉以示例。

日知錄卷二十三章邱志言洪武初翰林編修吳沈奉旨讓千家姓得姓一千九百六十八而此邑如朮如僑尚未之錄。廣韻僑字下注以齊大夫

名。今訪之朮姓有三四百丁。白云金丞相朮虎高琪之後。原注主人朮為靈一反按金史朮虎漢姓曰董今則但為朮姓蓋二字改爲一字者而讓姓之時尙

未存於黃冊也。以此知單姓之改並在明初以後。而今代山東氏族其出於金元之裔者多矣。永樂元年九月庚子上謂兵部尙

書劉儁曰各衛韃靼人多同名宜賜姓以別之。於是兵部請如洪武中故事編置勸合賜給姓氏。按洪武中勸合賜姓實錄不載惟十六年二月故元雲南右丞觀音

保降賜姓名李觀。又宣宗實錄正間從之三年七月賜把都帖木兒名吳允。諡倫都兒。名柴秉誠。保住名楊效誠。自此遂以爲例。洪武二十一年來歸賜姓名李賢。

凡漢族之大姓。若王若李若劉者。其得氏之始。雖恒自附於中國帝王。實則多有異族之改姓。其異族之姓。如金如安如康如支如竺如元如源如冒者。在今日視之。固亦儼然漢族與姬姜子胤若同一血統矣。甌克思有言。廣進異種者。其社會將日即於盛強。

甄克思社會通詮世界歷史。所必不可諱之事實。必嚴種界。使常清而不雜。其種將日弱而馴致於不足以自存。廣進異種者。其社會將日即於盛強。而種界因之日混。此其理自草木禽獸。以至文明之民。在在可徵之實例。孰得孰失。非難見也。希臘巴杜之制。即以嚴種界而衰滅。羅馬肇立。亦以嚴種界而幾淪亡。橫覽五洲之民。其氣脈繁雜者強。英法德美之民。皆雜種也。其血胤單簡者。弱。東方諸部。皆真種人矣。

顧歐陸諸國。雖多混合之族。而其人至今猶嚴種界。斯拉夫、條頓、日耳曼之界。若鴻溝然。而求之吾國。則

非族異心之語。島夷索虜之爭。

左傳成公四年。史佚之志有之曰。非我族類。其心必異。

通鑑卷六十九。宋魏以降。南北分治。南謂北爲索虜。北謂南爲島夷。

固亦時著於史。而異族之強悍者。久之多同化於漢族。漢族亦遂泯然。與之相忘。試問吾國所以容納此諸族。溝通此諸族者。果何道乎。

第三則年禩之久。遠相承。勿替也。世界開化最早之國。曰巴比倫。曰埃及。曰印度。曰中國。比而觀之。中國獨壽。

浮田和民西洋上古史。迦勒底王國。始於西元前四千年以前。至一千三百年而亡。亞述即亞西興於西元前一千三百年。至六百

零六年而亡。巴比倫興於西元前六百二十五年。至五百三十八年。爲波斯所滅。

又埃及舊帝國興於西元前四千年。中帝國當西元前二千一百年。新帝國當西元前一千七百年。至五百二十七年。爲波斯所滅。

高桑駒吉印度五十年史。印度吠陀時代。始於西元前二千年。西元後七百十四年。爲回教徒所征服。

中國歷年之久。姑不問緯書荒誕之說。

春秋元命苞。天地開闢。至春秋獲麟之歲。凡二百七十六萬歲。

卽以今日所傳書籍之確有可稽者言之。據書經堯典。則應託始於西元前二千四百年。據龜甲古文則

作於西元前一千二百年。據詩經，則作於西元前一千一百年。至共和紀元以後，則逐年事實，皆有可考。是在西元前八百四十一年。漢唐而降，雖常有異族入主之時，然以今日五族共和言之，則女真、蒙古、滿洲諸族，皆吾中國之人。是即三四千年之間，主權有轉移，而國家初未亡滅也。並世諸國，若法、若英、若俄，大抵興於梁唐以後，即日本號稱萬世一系，然彼國隋唐以前之歷史，大都出於臆造，不足徵信。則合過去之國家與新興之國家而較之，未有若吾國之多歷年所者也。試問吾國所以開化甚早，歷久猶存者，果何故乎？

答此問題，惟有求之於史策。吾國史籍之富，亦為世所未有。今日所傳之正史，共計三千五百卷。

史記一百三十卷。漢司馬遷撰。漢書一百二十卷。漢班固撰。後漢書一百二十卷。宋范曄撰。內續漢志三十卷。晉司馬彪撰。三國志六十五

卷。晉陳壽撰。晉書一百三十卷。唐房喬等撰。宋書一百卷。梁沈約撰。南齊書五十九卷。梁蕭子顯撰。梁書五十六卷。唐姚

思廉撰。陳書三十六卷。唐姚思廉撰。魏書一百十四卷。北齊魏收撰。北齊書五十卷。唐李百藥撰。周書五十卷。唐令狐德

棻撰。隋書八十五卷。唐魏徵等撰。南史八十卷。唐李延壽撰。北史二百卷。唐李延壽撰。舊唐書二百卷。晉劉昫等撰。新

唐書二百五十五卷。宋歐陽修、宋祁撰。舊五代史一百五十二卷。宋薛居正撰。新五代史七十五卷。宋歐陽修撰。宋史四百

九十六卷。元脫脫等撰。遼史一百十六卷。元脫脫等撰。金史一百二十五卷。元脫脫等撰。元史二百十卷。明宋濂等撰。新

元史二百五十七卷。清柯劭忞撰。明史三百六十卷。清張廷玉等撰。

自隋書經籍志以下。史部之書。每較經子史為多。

隋書經籍志

宋史藝文志

六藝經緯 六二七部 五三七一卷

經 一三〇四部 一三六〇八卷

史部 八一七部 一三二六四卷

史 二一四七部 四三一〇九卷

子部 八五三部 六四三七卷

子 三九九九部 二八二九〇卷

集部 五五四部 六六二二卷

集 一八二四部 二三六〇四卷

道佛 二二二九部 七四一四卷

舊唐書經籍志

明史藝文志

經錄 五七五部 六二四一卷

經 八四九部 八七四六卷

史 八四〇部 一七九四六卷

史 一〇七九部 二四五七五卷

子 七五三部 一五六三七卷

子 九七〇部 三九二一一卷

集 八九二部 一二〇二八卷

集 一三九八部 二九九六六卷

釋道書 二五〇〇部 九五〇〇卷

新唐書藝文志

清四庫書目

經	五九七部	六一四五卷	經	六八八部	一〇五九二卷
史	八五七部	一六八七四卷	史	五六〇部	二二三九四卷
子	九六七部	一七一五二卷	子	八九七部	一七一九一卷
集	八五六部	一一九二三卷	集	一八〇八部	二六七二四卷

然經子集部，以至道釋二藏之性質。雖與史書有別。實亦無不可備史料。其第以編年紀事，及紀傳表志諸體，爲史書之界限者。初非深知史者也。世恆病吾國史書，爲皇帝家譜，不能表示民族社會變遷進步之狀況。實則民族社會之史料，觸處皆是。徒以浩穰無紀。讀者不能博觀而約取。遂疑吾國所謂史者，不過如坊肆網鑑之類。止有帝王嬪代及武人相斫之事。舉凡教學文藝社會風俗，以至經濟生活物產建築圖畫雕刻之類。舉無可稽。吾書欲祛此惑。故於帝王朝代國家戰伐多從刪略。惟就民族全體之精神所表現者。廣搜而列舉之。茲事體大掛漏孔多。姑發其凡。以待來哲爾。

第一編

第一章 中國人種之起原

中國人種之起原。蓋不可考。其故有二。

(一)無文字之證。研究歷史。自來皆依據文字。吾人今日所知之文字。僅能及於商周之時。

夏代所傳

年歲不止十百倍。故雖周秦人相傳之說，不能盡信爲正確之史料。後世穿鑿附會之說，更不足言。

(二)無器物之證。僅據文字，以考史事。不過能識有史以後之事。其未有文字以前之史事，仍無從考證。故欲推測人種之起原，必須得未有文字以前之器物以爲證。近世東西學者，若勞夫爾及鳥居龍藏等，研究中國各地所發見之石器，多不能定其時代。且謂其未必爲中國民族之石器。蓋古器湮沈，僅從浮土中略得數事，不足據以考史也。

周秦之人，已知此理，故其推論古初，約有二法。

(一)約舉其理。

易繫辭有天地然後有萬物，有萬物然後有男女，有男女然後有夫婦，有夫婦然後有父子，有父子然後有君臣，有君臣然後有上下，有上下然後禮義有所錯。

乾鑿度有太易，有太初，有太始，有太素。太易者，未見氣也。太初者，氣之始也。太始者，形之始也。太素者，質之始也。氣形質具而未相離，故曰渾淪。渾淪者，言萬物相渾淪而未相離也。視之不見，聽之不聞，循之不得，故曰易也。易無形埒，易變而爲一，一變而爲七，七變而爲九，九者，氣之究也。乃復變而爲一。一者，形變之始也。清輕者上爲天，濁重者下爲地，冲和氣者爲人。故天地合精，萬物

化生。亦見列子天瑞篇。
蓋襲乾鑿度文。

古無文字。無名號。無年代。故人類起原之時。不可確指。僅能以理想推測其發生次序如此。今人以地質及古物推究人類之年代及進化之次第。亦僅約計。不能如有史以後之事實。可確指其距今若干年。在何地。有何事實也。

(一)斥言其謬

列子楊朱篇楊朱曰。太古之事滅矣。孰誌之哉。三皇之世。若存若亡。五帝之事。若覺若夢。三王之事。或隱或顯。億不識一。當身之事。或聞或見。萬不識一。目前之事。或存或廢。千不識一。太古至於今日。年數固不可勝紀。但伏羲以來。三十餘萬歲。賢愚好醜。成敗是非。無不消滅。但遲速之間耳。

此論極詆歷史為不可信。蓋謂吾人於目前之事。亦不能盡得其真相。況欲上考太古乎。其謂太古滅矣。熟誌之哉。亦可見有史以後。雖不能謂史事完全真確。尚可確知有人誌記。有史以前。既無人為之記錄。但憑後人推測。則更屬渺茫矣。

後世治歷史者。因亦不復遠溯古初。僅自羲農黃帝堯舜以來言之。而近世學者。以西人稱吾國人種來自西方。於是周秦以來所不能確定而質言者。今人轉鑿鑿言之。或謂來自中央亞細亞。或謂來自阿塞汗。或謂來自巴比倫。或謂來自于闐。或謂來自馬來半島。衆說紛紛。莫衷一是。而以法人拉克伯里(Lacépède)